

Qnpahan masu bubu rudan

Kndadax slaqi siida, mniq sapah o skari kari Seejiq kana ka tnsapah, kika mkla rmngaw kari Seejiq ka laqi. Ida ku saw kiya ka yaku wah!

Slaqi ku siida, nasi ungac jiyax qmlahang knan ka tama mu ni bubu mu do, saun ku dha mhaduc sapah bubu rudan, kiya ni mntuhuy ku bi bubu rudan musa qnpahan seuxal ka yaku.

Slaqi ku siida, dsun ku bubu mu rudan musa qmita tnkuyan na masu qnpahan, kla musa kmlawa masu ka hiya. Kska balay msuan o niqan kingal ka uxay kparu, uxay ciway uri na beygi, saan nami msangay, hpuyan nami uqun, uqan nami hnapuy. Ida niqan egu bi lnglungun ka ruwan beygi hini.

Sayang ida mu lnglungun bi na ka bubu mu rudan, hmuya ma lnglungun mu bi ka bubu mu rudan hug? Yaasa ini kla rmngaw kari Tlu ka hiya, rmngaw knan o ida skari kari Seejiq. Pخال musa kmlawa masu qnpahan ka bubu rudan, panun ku na bukuy ruwan brunguy, qyaun na siyaw brunguy ka snalu djima. Uxay biyaw dhuq qnpahan masu do “Iya lglug! Iya squwaq!” msa ka bubu rudan. Ini qbsiyaq ksaan na do asi “Ktaq! Ktaq! Ktaq!” msa mhnang ka djima nadas bubu rudan, wada skaya kana ka puruc mkan masu da! Wada ku skluuy bi qmita tqriqan dha ka yaku. Kla meiyah

qmlahang masu na ka bubu mu rudan, kla meiyah lmiwaq mguy mkan masu puruc ka bubu mu rudan.

Ida uxay wana lmiwaq puruc ka seiyah bubu rudan, ida niqan ka qowlic smuhing kmarig dxgal ni sngiya qmiyuc pusu bubu masu, lmihug kska qpahan smliq knrbuk sjiqan. Kiya ni smtama tama mu pusa dangar sqraq dha qowlic.

Pخال, meiyah pusa dangar qnpahan masu bubu rudan ka tama, qmita qpahan do mangal pucing ni paqun na ka sudu qnpahan. Musa ku babaw beygi ga kska masu ni bmbil gasil, “Klax! Klax!” msa mhnang ka ngaba, siida wada ssugun kana ka qqduda ska qnpahan masu da.

Gbiyan do murux ku musa qmiri qmita pnusa dangar tama, lwanun mu nahari ka tama “Tama! Tama! Ga tjiyan da qowlic!” Siida mqaras ku bi balay, Wa! Tagay balay knparu, musa msiyang balay ka qowlic nii msa ku lmnglung.

Yaku ga smkuxul ku balay mkaraw pusu qhuni, tduwa qtaan kana ka alang, qtaun mu ka tama ga pusa dangar do, asi ku kjiras lmawa, “Tama---” “Tama---”, “o—i” “o—i” msa smiyuk ka tama uri.

外婆的小米田

兒時，身處在使用族語的家庭，耳濡目然中學會族語。我時常跟著外婆去小米田工作。小米田的中間有一間工寮讓我們休息、烹煮、用餐的地方，工寮裡充滿著回憶。趕鳥器發「啪！啪！」的聲音，麻雀都飛起來，我當時嚇到了。外婆趕麻雀，也趕土撥鼠、田鼠。

父親會在小米田放陷阱。「喀拉！喀拉！」聲響，讓麻雀非常害怕。抓到田鼠也讓我非常興奮。我喜歡爬樹看著爸爸放陷阱，還會高聲喊爸爸，爸爸也會：「喔伊！喔伊！」回應。